

Inatsisartut inatsisaat nr. 2, 24. april 1986-imeersoq umiartortut isumaqatigiissusioqatigineqartarnerannut tunngasoq

§ 1. Isumaqatigiissusiorortoqartassaaq umiartortoq umiarsuarmut Kalaallit Nunaanni pigineqartumut ikigaangat tassanngaanniillu niugaangat.

Imm. 2. Imm. 1-imi maleruagassani uku pineqanngillat

a) umiarsuit ilaasartaataangitsut 20 BRT/BT 20 inorlugit angissusillit

b) angallatit nuannaariartaatit 20 BRT/BT 20-inik minnerusut

c) umiarsualiviit eqqaanni prammit, usingiaatit, itisilerinermut maskinat kranillu puttasut.

Imm. 3. Imm. 1-imi aalajangersakkanut Naalakkersuisunut ilaasorta q pitsaasorinnuseq najoqqutaralugu naleqquttunngorsaatinik aalajangersaasinnaavoq.

§ 2. Inatsimmi uani isumaqatigiissusiorneq ima paasineqassaaq, umiartortup ikinerani isumaqatigiissutip immersorneqartarnissaa umiartulersumillu umiarsuullu naalagaanit atsiorneqartarnissaa.

Imm. 2. Oqaaseq "umiartortoq" atorneqartillugu inatsimmi uani inuk kanaluunniit umiarsuarmi angalasumi suliaqartoq pineqarpoq, taamaallaat umiarsuup naalagaa pinnagu.

Imm. 3. Angutit arnallu 16-it inorlugit ukiullit umiarsuarmi sulisorineqassanngillat.

§ 3. Umiarsuarnut Kalaallit Nunaanni pigineqartunut naalagaasut allamik inuttalerneqartarnerat pillugu nalunaaruteqartarnermut Naalakkersuisunut Ilaasorta q maleruagassanik erseqqinnerusunik aalajangersaassaaq.

§ 4. Umiarsuarmi naalagaasup ikinermi isumaqatigiissusiornermi paasiniassavaa umiartortup atorfirmut ingerlatassamut ilinniagarisai inatsit malillugu piumasarianik naammassinnissimanersut. Umiarsuup naalagaata ingammik maluginiassavai pineqartup ukiui, peqqissusia ilinniagaalu inatsimmi piumasarineqartunik naammassinnissimanersut.

Imm. 2. Ikinermi isumaqatigiissusiornermi inuttaasunut immersugassaaq Aalisarnermut Suliffissuaqarnermullu Naalakkersuisumit atortussanngortinneqarsimasooq atorneqassaaq.

Imm. 3. Inuttaasunut immersugassap § 2, imm. 1-imi taaneqartup assinga umiarsuarmi pappialaasivimmiitinneqassaaq. Pappialaasivik taanna umiarsuarmi inuttaasut allattorsimaffiannik taagorneqassaaq.

Imm. 4. Inuttaasut allattorsimaffiisa assinginik nassiussisarnissaaq pillugu Naalakkersuisunut Ilaasorta q erseqqinnerusunik maleruagassaliussaaq.

§ 5. Kikkunnulluunniit umiarsuarnut Kalaallit Nunaanni pigineqartunut atuuttuavoq, inuttaasunut immersugassap § 2, imm. 1-imi taaneqartup assinga umiartortumit tiggummineqartoq ikinermi uppenarsaatit atorsinnaanera.

Imm. 2. Danskit umiartornermut uppenarsaataannik piginnittoq pisinnaatitaavoq taanna umiartulernermit uppenarsaatit atussallugu. Taamaattoqarpat taanna umiarsuup naalagaanit

atsiorneqarsimassaaq.

§ 6. Inunnut 16-it inorlugit ukiulinnut inuttaasunut immersugassap atsiornissaa inerteqqutaavoq.

Imm. 2. Inunnut 18-it inorlugit ukiulinnut aappaganngitsunut inuttaasunut immersugassaq aatsaat atsiorneqarsinnaavoq angajoqqaatut oqartussaassuseqartoq atsiornikkut akuersissuteqarsimappat pineqartup umiartorsinnaaneranut.

Imm. 3. Umiartortut peqqinnissap tungaatigut misissorneqartarnerat pillugu Naalackersuisunut Ilaasortaq erseqqinnerusunik maleruagassaliussaaq.

§ 7. Ikinermi isumaqatigiissuteqarnermi isumaqatigiissummillu nakkutilliinermi maleruagassat Naalackersuisunut Ilaasortaq maleruagassat erseqqinnerusut aalajangersassavai.

Imm. 2. Naalackersuisunut Ilaasortaq umiarsuaatileqatigiinnut umiarsuulluunniit naalagaanut piumasaqarsinnaavoq paasissutissat nakkutilliinermut pisariaqartut pissarsiarinissaannut. Naalackersuisunut Ilaasortaq aamma umiarsuarni tamani Kalaallit Nunaanni pigineqartuni nakkutilliinermut pisariaqartunik misissuisitsisinnaavoq.

Imm. 3. Naalackersuisunut Ilaasortaq imm. 2-mi oqartussaassutsimik kommunemut pisortanulluunniit allanut tunniussisinnaavoq.

§ 8. §§ 1, 2, imm. 3, 4, imm. 1, aamma 3 aammalu 6, imm. 1 aamma 2-mik unioqquitsin?rit akiliisitsinermik kinguneqartassapput, Kalaallit Nunaanni pinerluttaalisitsinermut inatsimmi sakkortunerusumik pineqaatissiisinnaanermik tunngavissaqanngippat.

Imm. 2. Aamma taamatut pineqaatissiisoqartassaaq § 7, imm. 2 malillugu paasissutissat piumasarineqartut nalunaarutigineqanngikkaangata.

Imm. 3. §§ 3, 4, imm. 4, 6, imm. 3 aamma 7, imm. 1 naapertorlugit aalajangersakkanik unioqquitsinerit akiliisitaanermik pineqaatissiissutaasinnaasutut aalajangersaavigineqarsinnaapput.

§ 9. Inatsit atortuulerpoq 1. juli 1986.

Namminersornerullutik Oqartussat, ulloq 24. april 1986

Jonathan Motzfeldt

/

Moses Olsen